



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1551. usque ad annum 1553

Fleury, Claude

August. Vind. [u.a.], 1771

VD18 90118561

§. 6. Maria Regia Princeps huic fidei confessioni obluctata.

[urn:nbn:de:hbz:466:1-66577](https://nbn-resolving.org/urn:nbn:de:hbz:466:1-66577)

Sæcul. XVI. A.C. 1551. piendi consuetudo prius fuisset retenta, nunc per specialem quemdam articulum declarabatur, quod hic usus utpote ceteris magis demissus conservari quidem valeat, nequaquam tamen hac reverentia panem, & Vinum adorare intenderetur, eoquod id manifestam faceret idololatriam, aliunde vero nullatenus credendum esset, quod vera Caro, & verus Christi Sanguis in Eucharistia præsententur.

§. VI.

Maria Regia Princeps huic fidei Confessioni oblectata.

Univerfum ferme Regnum novam hanc fidei professionem nemine oblectante amplectebatur, sola tamen Maria Henrici VIII. & Catharinæ Arragoniæ Filia sese cunctis hisce novitatibus submittere recusabat. Equidem spurii Evangelii Præcones importunis etiam precibus ab ipsomet Cæsare sollicitabantur, ut huic Principi liberum Religionis Romano-Catholicæ exercitium concederent, illud tamen eidem tamdiu permittere renuebant, donec progressu temporis Imperatoris amicitia regno maxime necessaria cognoscere-

tur (*) Carolus enim Cæsar Anglis significari fecerat quod a fœdere discessurus esset, si Principissam sibi proxime sanguine junctam usque adeo vilipendere præsumerent: quapropter hi reformatores, non nisi verbotenus, pollicebantur, quod Regiam hanc Filiam in sua Religione molestare haud velint: hanc tamen promissionem datis etiam literis firmare pertinaciter recusabant, hinc Cæsar eisdem perscripsit, postulans, ut plena Religionem suam profitendi libertas Mariæ concederetur.

Sæcul. XVI.
A.C. 1551.

§. VII.

Varvicensis Comitissæ molimina ad excludendam Mariam a Regni successione.

Inte-

(*) Benevole Lector! observes velim, quam subdole Protestantes, omnesque alii Sectatores liberum Religionis exercitium, & conscientie libertatem tunc jactitent, quando de eorum sectæ incremento agitur: ubi vero Orthodoxam, ac Catholicam fidem, imo quamcunque aliam Sectam profitendi libertas urgetur, tunc nec ipsius etiam Cæsaris preces prævalere & possunt tum piaculum non est, Christianam conscientie, ac fidei libertatem violare, tum inhumana, & diabolica tyrannis audit sacrum Inquisitionis tribunal: id tamen risu dignum est, quod hi Zelosissimi præcones Religionis suæ Spiritum immutent, quotiescunque id ob bonum temporale conducere censent.